

## Agata

Massimo Ranieri

Io mme metto 'o steccadente in bocca  
pe' nun fumá...  
Nun ce veco e nun mm'accatto 'e llente  
pe' sparagná...  
Vivo solo col mensile  
d'impiegato comunale,  
spacco 'a lira, spacco 'o soldo,  
spacco pure 'o "duje centè"...  
e tu invece te la intendi  
col padrone di un caffè?!

Agata!  
Tu mi capisci!  
Agata!  
Tu mi tradisci!  
Agata!  
Guarda! Stupisci...  
Ch'è ridotto quest'uomo per te!

Mm'accattaje nu cappelluccio tuosto  
tre anne fa...  
E, 'a tre anne, 'o tengo sempe 'ncapa...  
Nun c'è che fá...  
Stu vestito grigio scuro,  
s'è cambiato di colore...  
Mo s'è fatto verde chiaro:  
Era n'abito 'e papá...  
E mm'ha ditto 'o cusetore:  
"Nun 'o pòzzo arrevutá:  
ll'aggio troppo arrevutato...  
Ve cunziglio d' 'o jettá...."

Agata!  
Tu mi capisci!  
Agata!  
Tu mi tradisci!  
Agata!  
Guarda! Stupisci...  
Ch'è ridotto quest'uomo per te!

Ho ridotto il pasto giornaliero,  
sempre per te...  
'A matina, nu bicchiere d'acqua...  
senza caffè!  
Vèngo â casa e nun te trovo,  
'o purtiere tene 'a chiave:  
- Dov'è andata? -  
- A' sala 'e ballo! -  
Mi commuovo...e penzo che  
te facive 'a partetella,  
tutt' 'e ssere, 'nziem'a me...  
Mo mme faccio... 'o sulitario,  
guardo in cielo e penzo a te!

Agata!  
Tu mi capisci!  
Agata!

Tu mi tradisci!  
Agata!  
Guarda! Stupisci...  
Ch'è ridotto quest'uomo per te!